

西南夷君长①以什数，②夜郎最大；③其西靡莫④之属⑤以什数，滇最大；⑥自滇以北君长以什数，邛都最大；此皆魑结，⑦耕田，有邑聚。

其外西自同师以东，⑧北至牂榆，⑨名为嵩、昆明，⑩皆编发，随畜迁徙，⑪毋常处，毋君长，地方可数千里。自嵩以东北，君长以什数，徙、笮都⑫最大；自笮以东北，君长以什数，焞駩最大。⑬其俗或土箸，或移徙，在蜀之西。自焞駩以东北，君长以什数，白马最大，⑭皆氏类也。

此皆巴蜀西南外蛮夷也。

注①正义在蜀之南。

注②索隐刘氏音所具反。邹氏音所主反。

注③索隐荀悦云：“犍为属国也。”韦昭云：“汉为县，属牂柯。”按：后汉书云“夜郎东接交址，其地在胡南，其君长本出于竹，以竹为姓也”。正义今泸州南大江南岸协州、曲州，本夜郎国。

注④索隐夷邑名，滇与同姓。

注⑤正义在蜀南以下及西也。靡非在姚州北，去京西南四千九百三十五里，口靡莫之夷。

注⑥集解如淳曰：“滇音颠。颠马出我国也。”索隐崔浩云：“后为县，越嵩太守所理也。”正义昆州、郎州等本滇国，去京西五千三百七十里也。

注⑦索隐魑，汉书作“椎”，音直追反。结音计。

注⑧集解韦昭曰：“邑名也。”索隐韦昭云邑名。汉书作“桐师”。

注⑨集解韦昭曰：“在益州。牂音叶。”索隐韦昭曰：“益州县。牂音叶。”

正义上音叶。牂泽在靡北百余里。汉牂榆县在泽西益都。靡非，本叶榆王属国也。

注⑩集解徐广曰：“永昌有嵩唐县。”索隐崔浩云：“二国名。”韦昭云：“嵩，益州县。”正义嵩音髓。今嵩州也。昆明，嵩州县，盖南接昆明之地，因名也。

注⑪正义编，步典反。畜，许又反。皆嵩、昆明之俗也。

注⑫集解徐广曰：“徙在汉嘉。笮音昨，在越嵩。”索隐服虔云：“二国名。”

韦昭云：“徙县属蜀。笮县在越嵩。”徐广云：“笮音昨。”正义徙音斯。括地志云：“笮州本西蜀徼外，曰猫羌嵩。地理志云徙县也。华阳国志雅州邛邛山本名邛笮山，故邛人、笮人界。”

注⑬索隐案：应劭云“汶江郡本焞駩。音亡江反”。正义括地志云：“蜀西徼外羌，茂州、焞州本焞駩国地也。后汉书云焞駩其山有六夷、七羌、九氏，各有部落也。”

注⑭索隐案：夷邑名，即白马氏。正义括地志云：“陇右成州、武州皆白马氏，其豪族杨氏居成州仇池山上。”

始楚威王时，使将军庄蹻①将兵循江上，略巴、*(蜀)*黔中以西。庄蹻者，故楚庄王苗裔也。蹻至滇池，*(地)*方三百里，②旁平地，肥饶数千里，以兵威定属楚。欲归报，会秦击夺楚巴、黔中郡，道塞不通，因还，以其觶王滇，变服，从其俗，以长之。秦时常頰③略通五尺道，④诸此国颇置吏焉。十余岁，秦灭。及汉兴，皆口此国而开蜀故徼。巴蜀民或窃出商贾，取其笮马、僮、⑤髦牛，以此巴蜀殷富。

注①索隐音炬灼反。楚庄王弟，为盗者。正义其略反。郎州、昆州即庄蹻所王。

注②索隐滇池方三百里。地理志益州滇池县，泽在西北。后汉书云：“其池水源深广，而[末]更浅狭，有似倒流，故谓滇池。”正义括地志云：“滇池泽在昆州晋宁县西南三十里。其水源深广而[末]更浅狭，有似倒流，故谓滇池。”

注③集解音案。

注④索隐谓栈道广五尺。正义括地志云：“五尺道在郎州。颜师古云其处险口，故道纔广五尺。如淳云道广五尺。”

注⑤索隐韦昭云：“樊属犍为，音蒲北反。”服虔云：“旧京师有樊婢。”正义今益州南戎州北临大山，古樊国。

建元六年，大行王恢击东越，东越杀王郢以报。恢因兵威使番阳令①唐蒙风指晓南越。南越食蒙蜀枸酱，②蒙问所从来，曰“道西北牂柯，牂柯江③广数里，出番禺城下”。蒙归至长安，问蜀贾人，贾人曰：“独蜀出枸酱，多持窃出市夜郎。夜郎者，临牂柯江，江广百余步，足以行船。南越以财物役属夜郎，西至同师，然亦不能臣使也。”蒙乃上书说上曰：“南越王黄屋左纛，地东西万余里，名为外臣，实一州主也。今以长沙、豫章往，水道多绝，难行。窃闻夜郎所有精兵，可得十余万，浮船牂柯江，出其不意，此制越一奇也。诚以汉之强，巴蜀之饶，通夜郎道，为置吏，易甚。”上许之。乃拜蒙为郎中，将千人，食重万余人，④从巴蜀笮关入，遂见夜郎侯多同。蒙厚赐，喻以威德，约为置吏，使其子为令。夜郎旁小邑皆贪汉缯帛，以为汉道险，终不能有也，乃且听蒙约。还报，乃以为犍为郡。发巴蜀卒治道，自樊道指牂柯江。⑤蜀人司马相如亦言西夷邛、笮可置郡。使相如以郎中将往喻，皆如南夷，为置一都尉，十余县，属蜀。

注①正义番音婆。

注②集解徐广曰：“枸，一作‘蒟’，音窆。”驷案：汉书音义曰“枸木似谷树，其叶如桑叶。用其叶作酱酢，美，蜀人以为珍味”。索隐蒟。案：晋灼音矩。

刘德云“蒟树如桑，其椹长二三寸，味酢；取其实以为酱，美”。又云“蒟缘树而生，非木也。今蜀土家出蒟，实似桑椹，味辛似姜，不酢”。又云“取叶”。

此注又云叶似桑叶，非也。广志云“色黑，味辛，下气消谷”。窆，求羽反。

注③正义崔浩云：“牂柯，系船杙也。”常氏华阳国志云：“楚顷襄王时，遣庄蹻伐夜郎，军至且兰，楸船于岸而步战。既灭夜郎，以且兰有楸船柯处，乃改其名为牂柯。”

注④索隐案：食货辘重车也。音持用反。

注⑤索隐道牂柯江。崔浩云：“牂柯，系船杙也，以为地名。”道犹从也。地理志夜郎又有豚水，东至南海四会入海，此牂柯江。

当是时，巴蜀四郡①通西南夷道，戍转相饷。数岁，道不通，士罢饿离湿死者甚觶；西南夷又数反，发兵兴击，耗费无功。上患之，使公孙弘往视问焉。

还对，言其不便。及弘为御史大夫，是时方筑朔方以据河逐胡，弘因子言西南夷害，可且罢，专力事匈奴。上罢西夷，独置南夷夜郎两县一都尉，②稍令犍为自葆就。③

注①集解徐广曰：“汉中，巴郡，广汉，蜀郡。”

注②集解徐广曰：“元光六年，南夷始置邮亭。”

注③正义令犍为自葆守，而渐修成其郡县也。

及元狩元年，博望侯张骞使大夏来，言居大夏时见蜀布、邛竹、杖，①使问所从来，曰“从东南身毒国，②可数千里，得蜀贾人市”。或闻邛西可二千里有身毒国。骞因盛言大夏在汉西南，慕中国，患匈奴隔其道，诚通蜀，身毒国道便近，有利无害。于是天子乃令王然于、柏始昌、吕越人等，使闲出西夷西，指求身毒国。至滇，滇王尝羌③乃留，为求道西十余辈。岁余，皆闭昆明，④莫能通身毒国。

注①集解韦昭曰：“邛县之竹，属蜀。”瓚曰：“邛，山名。此竹节高实中，可作杖。”

注②集解徐广曰：“字或作‘竺’。汉书直云‘身毒’，史记一本作‘干毒’。”驷案：汉书音义曰“一名‘天竺’，则浮屠胡是也”。索隐身音捐，毒音笃。一本作“干毒”。汉书音义一名“天竺”也。

注③集解徐广曰：“尝，一作‘赏’。”

注④集解如淳曰：“为昆明所闭道。”正义昆明在今嵩州南，昆县是也。

滇王与汉使者言曰：“汉孰与我大？”及夜郎侯亦然。以道不通故，各自以为一州主，不知汉广大。使者还，因盛言滇大国，足事亲附。天子注意焉。

及至南越反，上使驰义侯因犍为发南夷兵。且兰①君恐远行，旁国虏其老弱，乃与其觶反，杀使者及犍为太守。汉乃发巴蜀罪人尝击南越者八校尉击破之。

会越已破，汉八校尉不下，即引兵还，行诛头兰。②头兰，常隔滇道者也。

已平头兰，遂平南夷为牂柯郡。夜郎侯始倚南越，南越已灭，会还诛反者，夜郎遂入朝。上以为夜郎王。

注①索隐上音子余反。小国名也。后县，属牂柯。

注②索隐即且兰也。

南越破后，及汉诛且兰、邛君，并杀笮侯，焜駮皆振恐，请臣置吏。乃以邛都为越嶲郡，笮都为沉儻郡，焜駮为汶山郡，①广汉西白马为武都郡。

注①集解应劭曰：“今蜀郡岷江。”

上使王然于以越破及诛南夷兵威风喻滇王入朝。滇王者，其觭数万人，其旁东北有劳雋、靡莫，①皆同姓相扶，未肯听。劳雋、靡莫数侵犯使者吏卒。元封二年，天子发巴蜀兵击灭劳雋、靡莫，以兵临滇。滇王始首善，以故弗诛。

滇王离难西南夷，举国降，请置吏入朝。于是以为益州郡，赐滇王王印，复长其民。

注①索隐劳寢、靡莫。二国与滇王同姓。

西南夷君长以百数，独夜郎、滇受王印。滇小邑，最宠焉。

太史公曰：楚之先岂有天禄哉？在周为文王师，封楚。及周之衰，地称五千里。

秦灭诸侯，唯楚苗裔尚有滇王。汉诛西南夷，国多灭矣，唯滇复为宠王。然南夷之端，见枸酱番禺，大夏杖、邛竹。西夷后揃，①剽分二方，②卒为七郡。③

注①集解汉书音义曰：“音翦。”索隐音剪。揃谓被分割也。

注②索隐剽音匹妙反。言西夷后被揃迫逐，遂剽居西南二方，各属郡县。剽亦分义。

注③集解徐广曰：“犍为、牂柯、越嶲、益州、武都、沉儻、汶山地也。”

【索隐述赞】西南外徼，庄躄首通。汉因大夏，乃命唐蒙。劳雋、靡莫，异俗殊风。夜郎最大，邛、笮称雄。及置郡县，万代推功。

YOUTH 整理